

牧

齋

初

學

集

牧齋初學集卷第十

崇禎詩集六

起五年壬申盡九年丙子

壬申元日

元日幽居一事無雀羅寂寂到朝晡人教老却
衡門裡天爲粧成臥雪圖時事總憑新燕子世
情只笑舊桃符停雲八表知何意且坐東軒進
一壺

人日得張藐姑刑侍書却寄

書閣摩挲喚古香冰消硯北逗春光蕭條歲序
逢人日迢遙音書到草堂天井烽煙新壁壘玉

關鬼夢舊風霜天涯相望俱頭白各對梅花說
斷腸

卜肆行贈毘陵周午陽給諫稼軒推重午
陽時時延致問卜故以賈生爲喻

君不見雒陽賈生能籌國策行新書治安策痛
哭流涕涕長太息身逢明盛心惄惄漢朝卿相疾
如讎讐言堆積成山丘填胸攢眉不稱意洗沐
出游長安市忽逢季主談天人伏軾低頭心欲
死世運箕風還畢雨可憐賈生心獨苦前席居
然答鬼神長纓何日羈胡虜有人如鳳復如鴻

長笑端居卜肆中微言但託龍門史世主徒聞
河上公

新安汪烈婦歌

君死妾亦死君往泉臺盍相俟君死妾暫存數
日送君歸墓門君身已葬君有息妾下從君
乃其職七日不食我何求區區寸心庶不食世
間男子一種饑餓腸紛紛籍籍食粟如螽蝗豈
如汪家新婦不食死千年梁黍堆廩倉吁嗟乎
首陽之風今已矣宋家枋得亦如此

題相士倪生卷子

二十年前識君父期我飛騰起雲霧祇今腕晚
又識君霜毛雪鬚徒紛紛人生能得幾二十觀
河皺面何足論鶯肩火色誠何有曷鼻魋顏戲
已久誰令鄭圃還食豨但見魯門如喪狗勸君
揩拭兩青銅相法如今也不同塵埃若欲知卿
祖先看麞頭鼠目公

寄荅廣東孫方伯恭甫

攤書潑墨笑窮忙散髮蕭然作報章閣筆爲君
嘗異味開函知我爇名香清齋荔子充堂食長
日蕉陰轉印床會得故人訓贈意披襟分取北

憲涼

仲夏觀劇歡讌浹月戲題長句呈同席許
官允諸公

浹月邀歡赴會期老夫眊眊也追隨可憐舞豔
歌嬌日正是鶯啼燕語時中酒再霑年少病討
花重發早春凝閒身好事渾無賴看取霜毛一
番遲

其二

桐花風軟燕泥新一月歌場疊幾旬小戶權爲
衝酒客大家挨作佐別花人追陪歡讌應賒老

驅使風光莫較貧處處典衣鋪妓席知誰相笑
又誰嗔

其三

選勝偏宜朱夏長追歡更覺白頭忙熟梅雨殢
三分酒眠柳風吹一國狂飲劇好更新幟毒蠍曲
喧休系舊宮商叫呶莫謾嘲長夜日月何妨在
醉鄉

其四

衆中歌笑自言殊冉冉風光溢步趨點拍更誰
傳滿子歸來但坐看羅敷青袍便擬休官在紅

粉還能入道無筵散酒醒成一笑鬢綠禪榻正
疎蕪

負郭

負郭猶餘種秫田合歡長似在花前鴟夷盡日
嘗盛酒銅狄他時幾問年阮氏籍咸俱作達公
孫朝穆故堪憐執盃持耳休辭醉笑口難逢正

月圓

壬申九月得萊城解圍報

山東盜方熾勦撫策未分援兵頃不進瑟縮蟻
子羣菜人易子食督師瑱不聞聖人赫斯怒

西臺遣監軍王生善推命勸我無憂惶謝君足
辦賊談笑行策勳旬日邸報至捷書果云云萊
城頓解圍登賊祇游鬼惜哉王生術何不獻吾
君坐看肉食者薨薨聚蠅蚊空樓下梧葉颯如
賓秋雲呼酒互持勸一笑目已曛

贈萬尊師

峨眉秘錄爲君開又向天師受職來赤日吹唇
俄致雨青天撫手旋轟雷獄成百怪銜符至壇
輶羣神作禮廻莫爲社公頻發怒人間狐鼠正

喧逐

石田翁畫奚川八景圖歌

奚川八景圖石田翁爲七世祖理平公及其兄
理容公作也二公家世畊讀隱于奚川撮其勝
槩釐爲八景學士大夫咸歌咏之石田爲補圖
而系之以詩然而家譜失載家人宗老亦罕知
者則其去吾家久矣廣陵李沮修見之於金陵
王氏詢知爲吾家故物購以見詒百三十年之
後頓還舊觀焚香展卷欣慨交集遂作歌以記
之繼聲屬和竊有望于君子焉

吾祖舊題奚川景石田翁爲作奚川圖廣陵封君

好事者金陵購得歸于吾揩摩老眼細瞪視夜
枕不寐朝忘餚恍惚移身入畫裏故園喬木風
景殊先從江郵見小市誅茅蓋瓦互架鋪洞庭
蝦菜朝走集新豐雞鴨暮識塗楊柳微風颺酒
幟杏花小雨提村沽市旁石橋枕江臥紅欄綠
浪臨交衢青箬裹鹽來浦漱綠荷包飯歸菰蘆
蒸徒欣欣如有喜倘免厲涉羣謹呼茅屋滄洲
自映帶書聲漁唱相繚紓江流無聲清夜永有
人引書仍挈壺蟹舍中閒訪隱逸牛欄西畔尋
生徒原隰坡陀似山麓行人彳亍通樵蘇千迴

萬抱風氣密中有兆域開青鳥帝鄉白雲封宰

樹長江落日懸龜趺流泉夕陽昔相度江流地

勢原相扶柳溪竹里閒阡陌

柳溪理谷公所居竹深堂理平公所居

居也二公皆以自號築室穿池連路隅竹深堂高目清閑

琴劍彝鼎羅氍毹

湯東谷記云中有琴寶劍漢鼎周彝

書宿燈火石鼎聯句皆笙竽堂中高咏者誰子

得非草窻東谷無

草窻劉公溥東谷湯公胤續與七世祖爲詩友所謂景泰

十才子也贈送詩各見集中

此圖盤礴非草草想見閣筆還

操觚有竹庄中好賓主

有竹居石田翁所居也

清眉須攜畫歸來水月舫

月舫東谷有舟名水七世祖爲長歌兄

弟賞鑒頻歎吁收藏豈乏牙籤挿愛惜寧將寒
具洿清平之世忠孝家有此識字畊田夫吾祖
風流良可繼子孫不畊且讀何其愚嗚呼不畊
且讀何其愚

再題奚川八景畫卷

榮木樓頭風日美秋光滿簷鶴聲喜百年畫卷
今來歸水墨清妍炤棐几焚香洗爵告家廟挿
架懸籤壓圖史楚弓人得豈其然魯王盜歸安
足擬晴窓簾閣重摩挲吾廬宛在奚川淚吾家
先世事畊讀風光盡入此圖裏白雲廻合藏松

楸喬木叢攢識桑梓宅畔新成百步橋墳旁手
闢千家市艮田廣宅互經營水垞江邨正邇迤
竹深堂前竹萬箇柳溪溪邊柳三起柳陰藹藹
連粉榆竹箭森森勝桃李連畛拒陌多種瓜樊
圃編籬不用枳野店春風魚菜來長江落日帆
檣止漁唱悠悠蘆渚閒書聲琅琅茅屋底犢背
或看書掛角庭前時見麥流水秋依月令戒登
穀春按豳風勸于耜輸租不憂鼙鼓煩種秫每
詫覽釭侈綠樹長維書畫船青門頻倒逢迎屣
高人談經日異張好客哦詩夜同被草窓先友

竝嶧嶢竹屋遺詩尚綺靡

七世祖詩名竹深遺稿湯東谷深所推服

承平王孫人共羨文采風流更誰氏自從後世
占科第舊業依然枕江汜嗟余刺促懼世網白
首孤生繫碕几二頃負郭苦失計三閒老屋知
誰是故園門巷長蓬蒿西風罷亞生荆杞慵惰
有似僧退院漂泊恰如舟未艤布衣躬畊諒非
晚閉門種菜真窮矣垂老重看石田畫三嘆先
疇在故紙奚川流水想桃源竹深亭館思竹里
謝公述德吾豈敢右軍誓墓徒爲爾已分殘年
老襟襖更囁添丁充耘耔往不可諫來可追矢

詩聊以貽孫子

東臯種菊詩四首贈稼軒給諫

君畊東臯田復種東籬菊王績與陶潛俯仰共
一屋東臯黃花時悵望節候獨陶令苦乏酒韋
負葛巾漉羨君浣溪堂秋菊粲盈目有花復有
酒開筵招近局何須嘆荒寒已許占清福酌酒
醉兩賢如農祀先穀

其二

菊以黃爲正君子正其名所以東坡老欲掃紫
與頴東臯千株菊畦圃吁未經單心複纏枝千

葉卉萬鈴庶以說耳目何用攬品評節物苟如此敢與時好爭高咏南山詩悠然想淵明

其三

胡廣患風疾休沐飲菊水八十猶克壯侍母謝杖几庸庸撓大議公台負譏毀惜哉神仙藥遺穢等馬矢靈均餐落英早沉汨羅死安知椒蘭徒壽考非伯始種菊愛其芳紛紛且休矣不如飲君酒共醉寒香裏

其四

種菊東臯上所喜秋露瀼瀼移檻復列斛馥郁開

草堂叢菊如羣賢不雜屠沽行其中高秀者黃
衣傲風霜對之不敢媒肅拜陳壺觴君爲醒無

功我似瘠子光秋光淡如菊燕靜彌芬芳老圃
良足學晚節安可忘肯哉東臯詩山菊秋自香

送座主王文肅公之子故戶部郎中淑朴

歸閩中敍舊述懷一百韻

盜賊南山裏干戈左輔邊黔黎成狗鼠沃野變
烽煙長吏嬰城免將軍棄甲湍流離踰四塞侵
略過三川力拒君何勇潛攻寇頗狠兒能張兩
翼身卽領中堅據險乘牆屋飛機操瓶甞蒼頭

咸用命赤手或當先浴血捫創面椿喉數斷咽

長安舒羽檄餘賊返戈鋌

戶部捍禦流戰身自搏戰賊退攜家集入

吳此後並述其事

國有孤臣哭家亡坐客氊所欣文未

墜敢嘆室如懸秦市難增減金陵好梨鷄提携

書數十跋涉路三千汎水秋風急淮河落日玄

虺墮荒店馬眩運下江船握手翻疑夢沉吟却

問年酒巡街鼓緩語熱燭花圓撩眼風塵色經

心香火緣可堪今契闊還記昔駢闐

此後並言文肅長翰

典試及余登第及門之事萬曆丁中葉三秦甲大賢舉朝推

柱地寰海望回天子又登高第師將秉化權槐

堂紓紫綬杏苑簇紅箋座主龍門峻諸生鴈塔
聯愚蒙慙造士流俗艷登僂衣鉢援垂手宮牆
企及肩斷金容冶鑄攻玉荷陶甄擬議綸扉筆
追陪洽殿員風從徵翕習雨散講追遑領袖清流黨人被
得避位去國之事世豫私門孽朝清國論偏部
魁南北署黨禁紹熙沿杓直星依指芒寒宿避
蹠清流常皎皎醜類正騫騫伏莽興戎壯高墉
射隼便鐘原因物扣鏡不爲人妍肯待三年報
都將一網寨構兵彌淲楚餘燼合崑宣枉狀波
翻覆飛章矢屬連門蘭嗟并艾釜豆泣相煎保定

公爲公元兄黨人借名詩
鄖中爲寶坻令亦罷歸

自解蓬池直歸耕漆

水田人知馬融草孰贈繞朝鞭

門人爲臺諫起草幼公故有馬

融飛章歛手臨空局握手任老拳城南瞻氣象
之偷

渭北釣清泉雒下居仍介關西望益專憲標題
障塞草野畫征塵虎觀敷陳邈龍樓羽翼捐儲
宮商老慮國步杞人憐紛濁登樓外憂危攬鏡
前龍胡銜主恤狼尾望公還

天啓初以先帝舊學起公田閒旋罷

又改遷

此已下並言奄寺鉤黨考繫削籍之事

山斗看崔歸滄桑又改遷
少陽蒙出震雌霓比連卷簸扇僉壬巧馮依婦
寺癩決藩笞萬爆鉤黨考楊連削籍空三事刊

章拂八埏拖腸難仰藥折骨美沉淵媼子繁螟

螻閣兒長蟬蠔咸寧

王紹徽

新乳虎猗氏

喬應甲

老

饑鳶日日

驚追捕家家

虎橐餧檻車拌並載牢

戶儘平填

已下叙公憂事

祈死身如贅憂生骨亦

瘴鬼神猶助虐

夫子遂長眠拉折靈胡掌崩隤

玉女蓮闢河悲黯憺魑魅喜

蹁躚高冢侯芭土

修門宋玉篇百身吁可贖

七尺媿猶全

崇禎元年予自

廢籍召入京旋構

閭訟再遭謗鑠

暫許茅連茹俄看草蔓延孤

踪何樸邀羣刺總翩翾封印藤麻格堆盤火齊

鮮覆金供鼠赫點玉聚蠅羶共嘆簷來魯空招

隗至燕食寧留碩果飲遽散初筵霾煊箕風暗
飛流斗域殷觚稜朝戀闕禊被夜乘船此已下敘歸

之事

田屏居

藿食還初服衡門省宿愆折鑑煨粥飯

禿筆弄丹鉛幸得懸車軸知誰任屋椽解嘲真
嬾作罵鬼託殘編小築西湖畔巾車拂水巔山
窓雲滌滌澗戶竹娟娟石罅泉奔射林臯月漏

穿拈花迎夏蝶選樹蔭秋蟬割肉歸神社挑燈

送佛錢經行尋北澗譚謙度南阡蟹舍長腰米

漁莊縮項鰯不材羞擁腫爲用憚犧栓已下敘

余與郎中贍處

舊雨來人少寒風送客旋含言心悄悄

之惠

分手淚潺潺弟子吾衰甚恩門或忘焉逢迎誰

倒皮宴會罕加邊陸氏莊荒矣廉公市寂然世

塗同鳥鼠薄俗異夔蛇底事防人面何妨坐馬

轎

文肅門生滿吳下郎中遠來不爲具賓主之禮

弛張求省括燥濕學

安絃物論將昭雪郎君定洗湔還期溫比玉莫

倚直如弦離別中年惡涼溫昔夢牽驪歌聲慘

愴難酒恨纏綿下馬陵終拜金鑾集早傳賦詩

當贈處餐飯勉加旃

壬申除夕

流年告別又匆匆送歲蕭條不送窮撩眼光陰

燈火畔撞胸心緒漏聲中門符換却看新面書
蠹鑽餘識舊叢多謝天公耐貧薄一般白髮領

春風

癸酉元旦

壽觴初舉日瞳曨賀客駢闐燕喜重羅雀驚飛
門屏外垂魚拜舞寢庭中流年荏苒看兒長報
國逡巡願歲豐奏罷綠章占氣象墻隅遙望朵

雲紅

乙亥中秋吳門林若撫胡白叔二詩人引

祥琴之禮勸破詩戒次若撫來韻四首

二老相依貧病鄉賣詩賣藥自成行病知居士
安心法貧得詩人換骨方有句却難償酒債無
眸聊省看排場蓮華世界君知否總向詩籤樂
裏藏

其二

說鬼頻煩及志支興來姑使妄言之尋仙却喜
華顛早失學翻嫌蹭蹬遲愛殺黑甜如混沌憎
他青鏡有妍媸達生頗美東鄰老盡典衣襦合
舞兒東鄰徐二爾從也

其三

蟬鬪龍擎總不聞席門簾閣看浮雲
鵠龍出入偏藏影豹腳飛鳴恰聚羣
葦筍家家愁繫藉草堂往往勒移文
與君話到滄桑事一笑挑燈已夜分

其四

殘生噩夢兩無憑還似飛鴻乍離
矰酒戶下中禁亦得詩腸枯澁戒何曾
釣簾想像粘風蝶穴紙商量放凍蠅
綺語未成先欲懺炷香遙禮二

幢僧

白叔樹三經於花山刻二幢詩集

閒坐

青袍白馬已駿駿閒坐東窓度暝陰 聖代自能調化瑟孤生未忍治祥琴功名豈是無因立將相須從有福尋苦向爨桐論斲削勞薪長恐誤知音

北客

每逢北客怕趨陪況復平津閣裏來正好一涼蘇病骨莫將殘熱惱寒灰詔麻舊紙糊棋局京錐新函拭酒杯秋草蕭蕭鋤不得無媒徑路任君猜

仙壇倡和詩十首

慈月夫人前身爲智者大師高弟降乩於吳門
示余曰明公前身廬山慧遠也從湛寂光中來
自忘之耳用洪武韻作長句見贈期待鄭重且
屬余曰求椽筆作傳一首以耀于世亦道人習
氣未除也余爲作泐師靈異記并和其詩十首
師示現因緣全爲台事現鬼神身護持正法故
當有天眼證明非余之戲論也

荷風曉靄日曈曨精舍焚香降泐公賸欲與君
談此事故應未始出吾宗人閒久已長迷鹿天
眼何曾誤識龍領取導師深重意醉花眠竹謝

春工

其二

月地雲堦觀閣曬夫人秩祀比仙公妙華已悟
三車法台教今爲繼別宗神降摛詞嘗吐鳳趾
回卓筆欲成龍麻姑狡猾猶真年少擲米區區作
鬼工

其三

三生殘夢喚瞳曨記別深慙是遠公已悔六時
違淨業誰傳四始立詩宗盲人說法迷真象狂
子談禪好假龍後五百年虛囑累刹筆倒却仗

神工

其四

金闕寥陽曉氣曨綠章促數上天公帝方蒿目
憂黎庶君亦齋心相祖宗孤鼠亂行憑虎豹

魚蝦波及爲蛟龍靈風肅穆帷中語憑仗神工

幹國工

師憂時閔世每箋奏
上帝情辭懇惻故云

其五

萬戶煙銷旭日矚扣門猶自夢周公中原血肉
悲朝市寢殿衣冠哭祖宗高廟神靈容鼠
雀皇天老眼混魚龍朝廷補袞知誰手組織

爭如貝錦工

師示詩爲余自其
貝錦故有此句

其六

熹微旭日隱瞳曨猶喜人天眼至公言論無聞
疑叔度衣冠見慕愧林宗贈詩有叔度
林宗之目生嘗畏世諳談虎術不逢時學篆龍鼠臂蟻肝更何有
從今一一聽天工

其七

帝城雲物正曈曨尺一何會及子公蹭蹬半生
悲宿業昇平中夜想神宗殘生却似重歸鶴
退士渾如未見龍身與蒼生同稿項敢云霖雨

待人 工

其八

日薄懸車氣尚曨未應衰晚羣公勲名行輩
皆綸閣位業交游半岱宗師稱應山江陰俱爲冥官綜核又

聞新丙魏拜稽空說舊變龍茫然歛手君休笑
贏得空杆號國工

其九

仙壇樓觀鬱瞳曨大筆真難繼魯公雙樹至今
留法寶五花那得蔽台宗闔廬城下聞經雉鳥
目山頭聽法龍師許五月十三日降于余家應與諸天共盟

證待余結集付良工

其十

天門閭闔日瞳曨靈璣傳宣佑鉅公

天子鉅公也

已

勅東皇邀木母更驅西伯獻河宗蕩除讒佞投

哮虎潤澤焦枯遣睡龍王扎金文司命誥仙班

咫尺領羣工

師謹天下方治平
末章致頌禱之意

白叔德操傳起廢之信遺詩枉訊次韻奉

答聊用解嘲

病健誰傳起廢年開槭一笑晚風前雞因惜尾
憂瀕死鼠爲拖腸怕上天貢禹冠應慙宿好子

公書肯仗時賢五湖儘有閒風月已具鷗夷舊

釣船

送陸大孟鳬之錫山學官

樞衣緩帶儼師儒顧影依然笑步趨客枕夢依
雙堠近秋堂人共一燈癡橫經先誦披華賦設
教如頒調水符莫嘆廣文官獨冷老夫久已著
潛夫

答越卓凡憲副

中山篋裏謗書新博得沙場百戰身天以垂成
留劇賊帝將不死答勞臣衣深赭色橫戈久

筆退鈷鋒草檄頻我欲爲君歌督護夜闌醉酒
向釣陳

陸宣公墓道行

延英重門晝不開白麻黃閣飛塵埃中條山人
叫閻哭金吾老將聲如雷蘇州宰相忠州死天
道寧論乃如此千年遺襯歸不歸兩地孤墳竟
誰是人言藁葬留忠州又云徵還返故丘圖經
聚訟故老閑爭此朽骨如天球齊女門前六里
路蒼麥茫茫少封樹下馬猶尋董相陵飛鳬孰
辨孫王墓青草黃茅萬死鄉蠅頭細字寫巾箱

起草尚傳哀痛詔閉門自驗活人方永貞求舊
空黃土元祐青編炤千古人生忠佞看到頭至
竟延齡在何許君不見華山山下草如熏石闕
豐碑野火焚樵夫踞坐行人唾傳是崖州丁相
墳

舒仲符畫丹徒張明府文光小像戲題四
絕句明府記三生事一世爲僧再世爲鄰
家童子自爲記甚奇

水石清妍鶴骨癯依然劖佩列仙儒此中若著
邢和璞便是王郎破墨圖王晉卿以破墨畫邢和璞房次律論前生

其二

鉢杵蕭閒香篆灰江濤射枕夢初回分明記取
三生事會聽金山粥鼓來

其三

計口齋鹽度六時放衙取水一軍持人言宿世
修行慣不是禪師定律師

其四

空花水月影層層劫後生前總一燈要與雲山
留話柄也將玉帶施山僧

贈翁朔州光吉二首

朔雲邊雪夢鱸尊數載方州一角中暈月圍城
悲飲血嘶風歸騎喜抽身佛燈長似平安火詩
債渾如簿領塵君正懸車吾削跡東阡北陌好
爲鄰

其二

吹藜高閣俯廻廊絳帳青燈列鴈行朔州爲先
夫子授經處也三傳春秋推武庫一門簪笏儼
靈光誰從宣室虛前席且說安昌坐後堂尚憶
荷衣呼出拜白頭愁絕舊書郎元遺山詩書郎
零落今頭白腸

斷荷衣
出拜時

華山道者劉虛中摹刻道德經於厓石懼其爲山靈之累也作詩送其去以諷止焉太華五千仞道德五千言靈岳與寶書終古元氣存君今鐫此經磨厓勒山垠模寫時俗書名氏相綴分俗書多破體躋駁何足云山中無除目安取軒冕羣雲臺石室閒刻畫留瘢痕山靈亦何咎離此鉗鑿寃願君回俗駕息機罷紛紜歸從老希夷駒駒臥雲根

莆陽陳氏壽謙四首

南極光依藜火青澄霞助月見精熒老人星下
多芒翼還是陳家舊聚星

其二

方床竹几夾窓紗人說毘耶居士家滿室天花
都不著長留法喜伴維摩

其三

石磊落金盤荔子殷傳觴壓酒賽朱顏絳羅襦裡
膚如玉恰似仙人出海山

其四

開宴吾家舊慢亭綵雲十日駐青冥賢郎近向

吳門去又說麻姑過蔡經

丙子中春日茂苑相公謝政遄歸招邀燕
賞余與其仲啓美張異度徐九一劉漁仲
追陪信宿游虎丘支硎諸山記事四首

謝公高興寄東山遲日招邀共賜閒問壑尋丘
塵世外巾車蠟屐畫圖閒風寒乍勒回春候雲
潤俄經作雨還最喜林深無虎豹夕春猶許歷

辱顏

其二

短簿祠前花正殷相看心在水雲間蓮官載酒

仍招隱竹院逢僧又得閒蟲鶴變餘存白社劫

灰飛盡表青山公言子厚多題句一笑何當涴

蘇班

十四日遊虎丘余語茂苑丁公言韋子厚題詩亦與此山竝存乎相與一笑而出

其三

岡複溪迴一徑穿招提樓閣暮雲邊山腰正值

諸峯缺寺面平鋪萬頃煙爲問把茅尋石室莫

因渫井嘆寒泉

茂苑與蒼雪師有結茅之約

道人縱鶴今何

處且放雙眸向碧天

十五日遊中峯院

其四

卅年游跡花山寺瞿圃觀人盡可憐失馬因緣

雙鬢外亡羊歧路一燈前青松旋覺龍鱗長白

石還驚鳥道連昏黑藍輦重回首藤蘿新月近

諸天

自寒山游花山詩昔游二十許人惟茂苑昆弟異度及余四人在

上茂苑相公二首

講席延登入禁闈主恩旋許遂初衣雲還碧落
原無意鶴向青霄豈倦飛竹下清齋餘鳥施花
閒小院與僧歸天庭黃色仍如許知是先生戰
勝肥

其二

也知脫屣一官無每爲憂時或嘆吁屋棟豈應

勞我祝床稜寧串少人模片茅蓋頂真堪老兩膝隨身不要扶竺塢虞山過雲處勅教雙鶴遞相呼

曹能始爲先夫人立傳寄謝

逐子東征杳莫從機殘績冷泣尸饔青編幸遇曹能始形管何慙范蔚宗築室不堪論舊隱焚山寧復問新封孤生滿掬三春淚泉客珠成恰似儂

次劉漁仲留別韻

南國猶殘半月春東亭共愴百年身與君作別

難成醉欲贈將離始覺貧黃卷秋燈燒尾客緣
窓朝日畫眉人蘭臺好獻雄風賦莫漫微詞及

宋鄰

其二

赤麋銅馬逼淮徐老屋三閒幸著子坐甲裹糧
師日老拂衣擲硯計全疎廟堂鈎黨諳弧矢郡
國求金急羽書早辦枚臯傳檄手莫誇詞賦似
相如

葛將軍歌

吳人葛誠以蕉扇招市人殺稅監冬隨吳人義之呼爲葛將軍

誠未死時江淮間舟船賽祭之輒有驗

葛將軍萬夫雄我昔遇之婁水東魋顏虎鼻眉
目古蕉扇颯拉吹秋蓬死骨穿近五人冢生鬼
嘯動五兩風葛將軍今死矣權奇傲儻誰與儻
生惜不逢漢武帝鴻漸之翼困閭里犬臺宮中
應召見上林牧羊躡草履君不見車丞相宮殿
出入乘小車亦是上書一男子近多召見上書
人不次除拜

雲閒張老工於累石許移家相依賦此招

之二首

百歲平分五十春四朝閱歷太平身長鎌短屐
全家具綠水紅樓半主人荷杖有兒扶薄醉縛

船無鬼笑長貧山中酒伴更相賀花發應添愛
酒鄰

其二

不是尋花卽討春偏於忙裏得閒身終年累石
如愚叟倏忽移山是化人無酒過牆長作惡有
錢桂杖已忘貧明年肯踐南郵約祭竈先須請
比鄰

王二溟布政謝事家居八十如少壯聽歌
度曲累夕不倦奉贈二首

蕭閒真欲擬驂鸞覆鑠猶能說據鞍小建毒縣旗

臨鞠部平分旌節領騷壇三休記向中條勒四
漫詩留退谷刊猶恐非熊頻入夢鐫除溪石不
名蟠

其二

名塲戰地謝駢馳禪榻茶煙颺鬢絲功在刀州
成昔夢罰依金谷賦新詩嘗餐免藥抄雲子自
轉鶯歌教雪兒萬樹梅花方破臘祝君先挿向
南枝

奉贈會稽倪太公十四韻

家學經鋤世所欽會稽竹箭比南金辭方娥廟

爲絲絹筆向耶溪淬劒鐸揮灑剝藤成五色鏗
鎗雷鼓有餘音分災射的年年白飲德河醪處
處沈滿載樵風頻往復扁舟夜雪每追尋花深
梅市詩嘗徧月滿柯亭酒自斟修竹茂林供列
座青鞋布襪稱長吟千巖萬壑爲圖畫禹穴秦
碑自古今烏府風霜傳舊節鯉庭桃李接新陰

長公侍御史視學南畿

膝前御史床猶在宅畔尚書塢正

深虞竹盈堦方鬱鬱丁松入夢轉森森蓬萊春
水浮仙閣石鏡梅花媚遠岑上樹呼猿輕作伴
升堂使鶴衆如林陽明宛委家山是誰識先生

萬古心

識字行題 吳門袁節母開子

母能識節字兒能識孝字人生識字只兩箇何
用三倉四部盈箱苟羨君傭書養母能不憂白
華潔白充晨羞牛腰詩卷平傳誦行看綽楔懸
烏頭君不見長洲陳五經樞衣跪母提汲餅籮
邊使者星馳報天子詔書一夕來青冥

牧齋初學集卷第十

牧齋初學集卷第十一

桑林詩集

起崇禎十年丁丑三月盡閏四月

丁丑春盡赴急徵稼軒茲列刊章士龍相從
草索渡淮而北赤地千里身雖異人不忘吁
嗟閔雨之思遂名其詩曰桑林集

過清江浦遇寄故人

跨下橋邊又此行赭衣白髮可憐生班荆却喜
無人問刻木祇愁有吏迎惜別飛花憎岸草相
留語鶯笑林鶯多情依舊長淮水流入清江伴

鷺聲

漂母祠和何士龍

韓侯釣水遶城垣青史猶垂進食言人以千金
知老母天將一飯試王孫孤生書劖霑新淚逐
客簪纓感昔恩欲薦渚蘋何限恨寒鴉落日滿
祠門

黃河

都將銀漢變黃流也是天公錯一籌鵲駕但爲
終夕計蠶梁寧是濟川謀災來何用沈圭璧時
至那須辨馬牛飛昴出圖君莫詫清河白馬又
誰尤

俳體戲示士龍

四瀆已將三瀆過
三春總是一春忙
黃沙學傅何郎粉
赤汗從熏荀令香
釜下馬通和餅熟棧
驢面比人長歸來
準備江南話煖鋪深缸笑
幾場

次韻答士龍二首

白首弧臣踐駭機
天門夢斷翩猶飛
覆蕉鹿訟無榮辱
芥羽雞場有是非
扣角車前唯汝共觀魚
濠上與心違閨中春
莫應相憶掩淚頻聽緩

緩歸

又次

蛇鬪龍爭共發機刺天毛羽正羣飛十州鑄鐵人謀錯萬物爲銅大冶非作楫胥靡身故在刺舟漁父意相違君看河上攤錢叟不犯風濤不肯歸

清河道中三首

拍岸河流氣不平單車盡日遶河行帆檣矗立遙天破波浪掀翻大地爭覓眼飛沙人面改撞冒暉夢旅魂驚野田蔓草渾無賴斷送芳菲逐處生

其二

銀鑄驅我太匆匆
襆被囊衣客子同心似行枚
銜舌底身如釋朱簾車中東還刺促看南斗西
笑懵騰向北風捫腹自嗟還自問不知若箇是
途窮

其三

慘澹郊原似霧雲洪河濺岸馬嘶空粘天黑浪
非章相刮地黃塵是庾公柳樹病猶晞夏雨齊
花開亦向春風人閒榮落關何事野店殘陽一

閃紅

宿遷

枕畔車輪又一宵
荻簾土銼共蕭條
棧爭惡草驢言怒
炊仗殘通馬意驕
野集煙稀知罄盡
春田兆坼見龜焦
溺人強笑誰相問
莫以愆陽歎聖朝

郊城二首

村店無籌殺五更
棧驢乾嘴暗相驚
蓬鬆旅鬚料風色
滴瀝愁腸量雨聲
催舞荒雞暗夜半識
塗老馬盼晨明雲開
日轉非吾事也要殘春一

路晴

其二

挹斗揚箕誤有名
捫參歷井信浮生
天垣貫索星文賤
人世胥靡性命輕
豺虎頻年銜尾過
驢終日竚頭行岱
宗顧我如衡嶽盼
蟹開雲報午晴

一歎示士龍

一歎依然竟隕霜
烏頭馬角事茫茫
及門弟子同關索
薄海僧徒共炷香
百口累人藏復壁
千金爲客掩壺漿
昭陵許哭無多淚
唐制有寃者
許哭昭陵
要倩馮班慟一場
里中小
生善哭
馮

費縣道中三首

驅車入魯弔遺黎宗國相傳事可悲歌鳳有人
供放逐鬪雞無相繫安危申豐錦去鄰爭羨陽
虎弓還盜亦嗤唯有汶陽田下水至今流恨遼
鳬龜

其二

費縣城邊紫翠重恰憑登頓看山容雲舒霧縠
浮千嶂雨濯煙綃出數峯石瀨咽沙流淺淺野
花眠草吐茸茸停車佇想東蒙客欲討尊羹興
已慵

其三

闌珊心事怯餘春殘夢驚迴一欠伸病樹不禁
蛇在腹野花終倚草爲身櫨中馬老空知道爨
下車勞枉作薪當食爲君三歎息難將更僕詰

窮塵

泉林

泗水之源出焉題子在川上處

泉林源泗水叢薄閔荒丘的礫翻空色禁迴貯
洑流道窮悲渫井物化感藏舟願解塵纓濯悠
然炤白頭

泗水二首

柳市繅煙麥起波江南樂事趁清和當風翠袖穿花竝映水紅粧向晚多鶯識疏窻溫舊語鶯憐別院選新歌情知好夢成殘夢也較車聲枕畔過

其二

柳絮飛灰菜甲塵車中何處見殘春北來有鶯如胡語南望無鶯比鴈臣渡淮以北絕不聞鶯燕亦似作比音故以爲泗水流長帶咽歷山遙黛正含嚬劎溪雲樹漁莊水領略秋光要此身

早發次士龍韻

車輪鳴轆轤鈴鐸響丁東鄉夢殘燈外羈心麌
語中褐衣蒙早霧席帽泛春風偶梗休相笑漂
搖各斷蓬

再次

呆恩浴殿比鈴索液池東莫道天方醉還期日
再中看桃宜令節嫁杏與春風歎息年芳逝飄
蕭兩鬢蓬

四月十一日登岱五十韻

清晨上泰山下山未昏黑登覽興已賒驅車一
何疾我行渡泗水望岳心悚栗原野相却迎丘

陵莽奔逸胡然類削成未見表律峯停車廻馬
嶺凝望似堂密岱山勢自廻伏羣山各離立傲俠
轟數峯疊浪見沸澤偃蹇欲不朝顧盼疑旅楫
低徊成運眩登頓猶蝠塞糴廻凌絕頂頰仰蕩
匈臆天去山不多雲與地爲一衆山斯在下九
點煙屑瑟鉢如牛眼冢細如蟻封墮散如狐縷
綏聚如羊解弭伏象環衛奔走效羈繫傲俠
雖无傲沒踝不及膝乃知丈人尊兒孫敢匹敵
登登四十里十八盤乃畢山谷灌深秀石狀鬪
詭特洞壑互排陷周巒迥逼穿地山根湧擗

天石笋出層峯腰帶雲遠嶂掌蔽日大冶無不
有神工故難詰琢爲研山姿縮放盆池質近松
辨齊峙遙樹紛禾櫛成削衣低昂翩反袖欹灰
玲瓏月斧漏窈窕雲車匿屬連方帖妥牋去忽
割副濃淡尺寸變向背一瞬失領要苦煩紅追
逋恍迷惑何當信宿留攬采靈異悉坐看下垂
雲布滿兜羅色又看崇朝雨飛練挂千匹煙嵐
抉烘染雲海梭蕩滴籠拙賦家心極命畫史筆
逝將毀車輪豈獨戴臺笠茲游借刻晷身世兩
牽率每笑秉燭忙自歎乞火急是時天大旱山

枯石將泐渴游旣惺忪閨雨彌快悒元君盛香
火𦵹蠻走郡國金錢佐軍儲羨餘潤私室神道
亦乘除青帝遂失職雀鼠穿帷帳風雨剝韋韁
惜哉陰陽愆致此驕蹇極神心本天咫明禋在
國恤魯童舞嗟嗟齊偶笑咥咥天門開詛蕩膚
寸雲豈息熒熒蟻臣獨爲蒼生泣

春盡日次士龍韻

淒涼白髮黃塵裏祖道東皇又一巡暈碧裁紅
成故事落花中酒是前因繇來好別長禁客况
復窮途更泥人是我送春春送我把君詩句問

殘春

將抵德州遣問盧德水

十載栖遲汗簡青飛鴻漸羽故冥冥抱經有約
尋盧閣書牘何顏問杜亭窓下草深埋退筆床
頭花盡臥空錦披帷想像人斯在試欵衡門一
扣局

齊河懷古四首

耿濟鎮

耿弁擊張步濟師齊河陽至今耿鎮水軍聲沸
湯湯歎息千年後荒城築阜昌齊河城劉豫所築

晏城

采地遺者誰相國齊晏子千駒不三君二桃能殺士激彼梁丘生浮白爲之起

高唐城

綿駒雖不存善歌表遺里君聽齊謳聲抗越清濟水豈無染甫吟何人爲側耳

定慧寺

呂公榮公徒鐵衣佐龍興投戈返初服撒手歸上乘麒麟可卽圖龍像俱傳燈呂公名智壽初
住定慧寺精難師起謁上於濟南募兵五千餘人所向有功
官都指揮同知來樂初辭返僧服與榮公相繼

坐化今寺藏二公
畫像呂公尤奇偉

早發定慧寺禹城道上逢茅山張鍊師

漏鼓晨鐘喚病魔僧窻殘夢未銷磨雒中虛擬
三閒住桑下真成一宿過領略雞談酬客少商
量雀語誤人多騎驢却笑神仙客倒載黃沙不
奈何

德水送芍藥

藥闌花朶正紛披客舍憐君贈我時纖手折來
紅粉誤攢頭恨去綠盤知芳菲尚憶翻墮早和
齊深憂實鼎遲莫作離騷香草看楚臣腸斷是

將離

東壁樓懷德水

小樓殘日自昇平
荒窓煙消香篆更訴盡春愁
雙鶯語喚迴午枕一雞鳴中原氣祲連
玄菟下界浮雲竝太清撫檻欲招金馬客
夜深同候泰階明

次韻酬德水見贈

蒼黃被急徵
性命落片紙
昔爲頭上巾
今爲足下履
感君逢迎意纏綿
入骨髓炙眉忘艱辛
抗言論文史
半生歷坎陷
刺刺正坐此
逆人吐刺

芒愛我其疚美辟如中風走暫息聊復耳慚無
席上珍視彼檳中毀志士思風雨瞽史知星紀
矢詩敢遂歌聊以復吾子

上牧齋先生

盧世灌

平生一寸心結託數番紙夢想凡幾年今日
奉約履攝衽聆微言徹骨透腦髓方知有身
世方知有經史曠觀古及今懷抱盡於此先
生救世手淵淵饒內美伊呂伯仲閒名位偶
然耳從不受人譽何乃來人毀讒夫卽高張
焉能亂天紀風雨動魚龍仁義動君子

謝德州張太守送酒

越吟憔悴著南冠，日熏風道路難且向東方。
窮窯數束東方朔平人也，敢於安邑問豬肝。香翻乳酒傾雲液，油點槐淘漏玉盤。從此人傳送，臨賀爲君鄭重一加餐。

通州張太公壽讌詩十六韻其子主事文
輝知縣文挺來請

邦畿鄰魏闕，家世本留侯。束髮輕榮進，齊眉篤好述絲綸。鸞棲桃李庭，收柳市。眉良懷蘭香，藥可羨。冶盈新鑄炭，懷握舊傳鉤。筵對樓桑

樹杯添谷黍籌小紅花競吐重碧酒新薦桃熟
將人試梨消不外求長筵羅易栗深院植安榴
人世腰纏鶴天恩杖祝鳩易京堪避世聖水可
忘憂亥字春秋小丁年齒髮道星槎通漢渚仙
治滿神州北海供椒蘭平原置酒郵二子一令
益都一管
倉德州故有滿平原酒之聯燕歌徵戚里趙瑟倚笙箇載詠

南山什賡歌迭獻酬

代贈十六韻

別館新宮碧落連星娥月姊自年年錦章天上
仍難報幾石人間可浪傳搗藥免還尋好伴入

河蟾肯炤孤眠目成敗託波通語意感祇憑枕
作緣臉際芙蓉長自媚詩中芍藥倩他憐欲知
君面聊看鏡但憶郎家便數錢藥使歸身欣啞
謎釣藏蓮子畏空拳明粧不省宵來卸好夢還
將睡去圓苦憶落花爲我伴生憎飛燕到誰邊
關情落索拋紅豆使性迷離拆翠鉢已分管絃
陪謝傅敢云條脫贈羊權雉羹斟酌期加飯鳥
爪爬搔不用鞭緩唱深杯供竹葉斜行小字擘
花箋駐顏豈必餐雲母煖老終當種玉田報喜
金針新露夕懷人紈扇早涼天秋衾也逐征夫

遠莫是君歸在妾先

柳枝十首

花信樓前風暗吹紅攔橋外雨如絲一株顚頷
無人見肯與人閒綰別離

其二

離別經春又隔年搖青漾碧有誰怜春來羞共
東風語肯却桃花獨自眠

其三

簇縷垂綠阿那姿風流種性會禁持樹旁空有
傳書使蝕葉成文好寄誰

其四

天生標格擅溫柔小院曾攔蘸碧流不是腰支長委地怕隨紅杏出牆頭

其五

楊葉楊花撩亂時半隨殘夢半游絲可憐萬線千條在但記征夫舊折枝

其六

嫁杏標梅不耐羞嬌慵盡日倚粧樓團圓解得東風意判與兒郎打綉球

其七

莫將拋擲怨年華也傍開花也落花河畔青青
北芳草長隨蕩子到天涯

其八

玉樹瓊枝事杳冥天榆月桂總精靈莫欺楊柳
溝泥種也是天街一小星

其九

彎彎月掛柳梢頭新葉如眉月似釣看取月圓
明鏡炤展開眉葉萬重愁

其十

長養成陰自有期飛花飛絮莫傷悲楚江萍實

大如斗好是蟠桃結子時

荷花辭十首

南浦荷花覆白蘋採蓮歌斷曲翻新芙蓉菡萏多
名色不及荷花是可人

其二

十里蓮涇接館娃石城西畔是儂家一枝占斷
西湖種曾是西施舊采花

其三

菡萏芙蓉不較多蓮心蓮的本同科芙蓉頭上
原從草滿子饒他也姓荷

其四

月宮團桂樹婆娑化作峯頭十丈荷倒向蓮花
爲世界可知王女是姮娥

其五

荷花的的水中央蕩子牽舟一木旁刺密荷稠
那得見迴船隔浦滿風香

其六

魚戲田田隔水知荷花不語自低垂團團碧葉
遮如蓋旋遊明珠打鴨兒

其七

嫩蕡生紅恰試花卷荷纔展欲欹斜含嬌離立
誰堪倚自歛朱房對晚霞

其八

旭露朝霞慢試鞋翠莖紫的半摧藏小蓮結子
偏憐早不比紅蕖正出房

其九

露集枝條玉不分如規碧葉動成紋藕身到底
終須折一片冰心付與君

其十

結實成蓮心自知分身化作藕千絲千絲未斷

終相偶交葉駢花一蒂垂

德州送王鹿年

頻年遭患難道路與子俱有如墮枝鳥依此失水魚子今捨我而去置我於路隅譬彼瞽失相張張何所如子行非無事爲掃我室廬慰我犀角子衛我充棟書我有萬行淚附子衣裳裾爲我拜北堂灑向舊倚閣

東壁樓簡程魯瞻

兩膝隨身不自謀一茅蓋頂更何求庇君突兀千閒屋置我差幾百尺樓北海開車欣後載西

園促坐阻清游他時得遂平原飲傾蓋相看笑
白頭

爲魯瞻題畫二首

却扇含嚬飲翠蛾閑看侍女教鸚哥可憐紅嘴
聰明鳥怕殺雕籠是網羅

右美人調鸚鵡圖

旆浪帆風去莫疑高人乘興卽前期人間何限
廻舟處得似山陰夜雪時

右山陰返櫂圖

欲別東樓去四首

閏四月望日發德州將歸死於司敗吏卒促
迫僕馬惶遽居此樓浹旬一旦別去又不獲
與主人執手欲哭欲泣皆所不可賦欲別東
樓去四章題於樓之前榮壁上庶幾他日解
網生還要德水魯瞻痛飲此樓屬而和之
欲別東樓去樓遲念浹旬槐陰亭早夏鶯語帶
餘春酒爲開嘗好書從借看新他時與朋好風
雨話斯晨

其二

欲別東樓去行車起暗塵忘腰絰帶緩數日鬢

毛新小劫看今雨中年別故人可知分手路昔
夢自相因

其三

欲別東樓去孤城已暮笳可憐羈縛客仍作賈
胡家賣餅經寒食吹簫過落花還愁釣黨急踪
跡到天涯

其四

欲別東樓去東樓卽我廬扶疎槐作陰啁哳鳥
相於牆屋如初至門庭自掃除分留題壁向漫
漶待蟲魚

早發雄縣次稼軒韻

竝著南冠亦偶然何妨酌體復烹鮮孤花自綴
三春後病樹猶居萬木前失路馬行枯麥裏颺
空塵起大車邊戴盆莫怪頻瞻望也是城南尺
五天

其二

畿南赤縣夕烽連邊鄙曾蒙胡虜憐元結詩序云賊攻永州破郡不犯此州邊鄙而退豈力能制敵蓋蒙其傷憐而已
禿

元結詩序云賊攻永州破郡不犯此州邊鄙而退豈力能制敵蓋蒙其傷憐而已

貢桑林焦灼又湯年作霖誰副興雲望繁露空
繙致兩篇何日南山理蕪穢荷鋤同種豆其田

牧齋集十一

十七

牧齋初學集卷第十一